

Art a l'edifizi per la chasa Cleric da la Scola chantunala grischuna

■ **(cc) Per la sanaziun totala da la chasa Cleric da la Scola chantunala grischuna a Cuira ha gi lieu ina concurrenza d'art a l'edifizi. Cun ses projects «Glasperlenspiel» e «Partitur des Ursprungs» ha l'artist Remo Albert Alig da Flem Vitg gudagnà la concurrenza.** Ultra da l'architectura duai er l'art dar impuls per pensar e per agir en moda creativa. L'art a l'edifizi vul promover la chapientscha da l'art tar in vast circul d'utilisadras e d'utilisaders e sustegnair tendenzas artisticas e concepziuns modernas. Quest aspect survegn er ina gronda impurtanza en la nova scola chantunala. L'art sa manifestescha evidentamain en lieus neuralgics e permetta uschia interpretaziuns. El duai promover da letg visual, dar blers impuls e permetter intginas experientschas.

Cun la concurrenza d'art per la chasa Cleric ch'è vegnida realisada duai vegnir cuntinà cun

questa tradiziun. Las suandantas artistas ed ils suandants artists èn vegnids envidads da sa participar: *Remo Albert Alig*, *Flem Vitg* («Glasperlenspiel» e «Partitur des Ursprungs»); *Gregori Bezzola*, *Arlesheim* («Boden», «Berg», «Aquarium»); *Arno Hassler / Daniela Keiser*, *Turitg* («Gebilde»); *Ursula Palla*, *Turitg* («À l'heure», installaziun da video) e *Michel Pfister*, *Basilea* («Das kreative Potential»).

La giuria che sa cumpona da sis personas ha tschernì da las tschintg propostas unanimamain il sboz da l'artist Remo Albert Alig. Cun in concept general intelligent, complex ed analitic ch'è ponderà consequentamain e detagliadamain ha sia proposta persuadi la giuria en tut ils regards. La giuria è da l'avis ch'il project saja fitg autentic, persistent e persuadent, tant concernent la furma, il material e l'architectura sco er concernent il cuntegn.

Tut ils projects da la concurrenza che vegnan undrads detagliadamain en il rapport da la giuria vegnan exponids publicamain dals 20 fin ils 31 d'avust 2012, mintgamai il glindesdi fin il venderdi, da las 7.00 a las 18.00, en il foyer dal plaunterren al tract spezial/a l'aula da la chasa Cleric sanada, Plessurquai 63, 7000 Cuira. L'ovra d'art vegn realisada durant las vacanzas d'atun da la Scola chantunala grischuna.

L'avertura uffiziala/il di da las portas avertas da la sanaziun totala Cleric ha lieu ils 10 da november 2012.

Cun ses projects «Glasperlenspiel» e «Partitur des Ursprungs» ha l'artist Remo Albert Alig da Flem Vitg gudagnà la concurrenza da la Scola chantunala grischuna d'art a l'edifizi.

MAD

